

GEORGII VVOLFF.
GANGI VVEDELII, 21
MED. DOCTORIS, CONSILIARII ET ARCHIATRI
SAXONICI, THEORETICES PROFESSO-
RIS PUBLICI, & h. t. DECANI,

PHARMACIÆ
ACROAMATICÆ

DISPUTATIO XIV.

DE
SPIRITIBUS ACIDIS,
ET URINOSIS,
EODEM PRÆSIDE,

publicæ disquisitioni subiecta

JOHANNI CHILIANO CUMMIO,
HANNOVERANO,

IN AUDITORIO MEDICO,

AD DIEM XIX. JUNII M DC LXXXVI.

J E N Æ,
LITTERIS KREBSIANIS.

V I R O
*ILLUSTRI, MAGNIFICO, AMPLIS-
SIMO AC EXPERIENTISSIMO,*

DOMINO
GEORGIO WOLFF.
GANGO WEDELIO,

MED. DOCTORI, CONSILIA-
RIO ET ARCHIATRO DUCALI
SAXONICO FELICISSIMO, THEORETICES PROFES-
SORI PUBLICO CELEBERRIMO, S. R. I. NATURÆ
CURIOSORUM ADJUNCTO SPECTATISSIMO,
AUTORI AC PRÆSIDI HUIUS DISPUTA-
TIONIS GRAVISSIMO,

*DN. PATRONO, PRÆCEPTORI,
AC HOSPITI SUO ÆVITERNUM VENERANDO,
SPECIMEN HOC ACADEMICUM*

DEDICAT

AC

SACRUM ESSE VULT

RESPONDENS.

LIBRI II. SECTIO V. CAPUT II.

De Spiritibus acidis.

A Spiritibus vinosis sulphureis ad salinos, & quidem Acidos, progredimur, qui non minorum sunt virtutum: faciendâ & hîc, ut conjunctim de omnibus valet, distinctione inter spiritum & phlegma, ut phlegma sibi relictum spiritus expers, spiritus à phlegmate contradistinctus à potiori & virtute audiat. Hinc not.

1. *Spiritus acidi à sale acido fluorem adepto destillando exurgunt.* Destillatio singulis est communis, quâ sine liquores solum vinosi, acidi, urinosi audiunt; hâc verò itidem in spirituum asseruntur numerum. Aliud ergò est acidum fluorem adeptum, tanquam latius, aliud est spiritus acidus. Fluorem hinc alium possumus dicere spontaneum, nativum, alium, arte modificatum. Acida verò vel fluorem patiuntur simultaneum, vel seorsim. Simultaneum voco, cum sulphure, quale evenit in vino, quod constituunt sulphur & acidum, tanquam elementa, prædominante tamen in statu vini sulphure. Seorsim idem fit in aliis. Quo loco illud notabile simul occurrit, dulcia utrumque secum condere, sulphureum & acidum, unde ex vino & vi & acetum destillari potest; ex melle, saccharo, mulsâ pariter spiritus vinosus & acidus, pro diversâ præparatione. Dumque fluorem nominamus, præcipuè idem intelligendus est quoad phlegma, quod cæteroqui iners & vacuum concorporat sibi hoc loco acidum, & ita quidem, unit, ut in spiritum certâ proportionem abeat penitus, & nomen proprium amittat non minus ac sortem. Intelligendus quoque ad centram extraversionem, ut prius falsum, nitrosum, resinofum, dulce, vel insipidum, quod exemplis patebit, acidum deprehendatur, sive evadat; concreto prius sub aliâ texturâ acido, jam vero excusso & sibi reddito. Unde duo concurrunt, sal ipsum ejusque fluor, cui differentiam specificam simul largitur destillatio.

2. *Spiritus fluorem jam adepti sub aliis liquoribus solâ separatione egent per destillationem.* Destillantur spiritus acidi vel ex liquoribus viâ humidâ, vel è corporibus siccis. In illis fluor jam factus est acidi, in his fieri debet adhuc. Commune verò prius illud est spiritibus æquè vinosis ac acidis. Hinc ex vino, è fecibus, quod diximus, sola separatio per destillationem sufficit, ignis generali potentiâ, quâ omnis humor calefactus tenuior fit, juxta *Hippocratem*, vel rarefit. Sic \ddagger , seu spiritus aceti, cujus separationem tantoperè avebat *Galenus*, solâ simplici destillatione paratur. In eo enim pars salina tartarea resoluta & fluorem adepta, intimeque phlegmati jam sociata, prædominatur. Ut igitur partes acidæ salinæ à conjunctis tartareis & sulphureis separentur, neque in evaporatione v.g. cohæreant solvendis, sed purum sit acidum, menstruum, purum \ddagger , id præstat destillatio, ex vesicâ inprimis cupreâ, cum alembico vitreo, sine refrigerio, cujus rei plures dari possunt rationes. Acida nempe præ vinosis fixiora sunt & urinosis, unde fortiori ad destillandum egent igne, qualis est vesicæ, ut sic plures mensuræ uno die aceti destillati haberi possint, quod ex cucurbitâ vitreâ igne mediato arenæ minus licet. Atque sic, inprimis lardo prius inunctâ vesicâ, ad defensionem majorem, nil timendum est ascendere de atomis venereis, quod fieret, si alembicus non vitreus sit, vel per canalem cupreum refrigeratorii dolii transfluat. Cavendum etiam est empyreuma, quod fit, si ad siccitatem vel quasi destillationem prorogemus. Idem verò valet de rectificandis etiam seu denuò destillandis spiritibus acidis, exemplo ~us salis. Facto enim & ibi jam fluore, solâ opus est hinc separatione confusi largioris phlegmatis. Quin imò regula hæc locum habet non minus in spiritibus urinosis. Sunt enim in singulis illis seu viâ humidâ spiritus confusi, redistillando separandi, unde leutern Germanis & rectificare id vocatur. \ddagger illud polychrestum est ad solutiones, quas tamen simplices præstat aceto simplici, non destillato, perficere, (\ddagger enim purius quidem, non tamen æquè fortius est, ob partes tartareas sic separatas magis;) ad extractiones, tincturas, gelatinas, ar-

canum

canum tartari, acetum bezoardicum, extracta opii, hellebori, saccharum hi &c. Ex cerevisiâ verò $\frac{1}{2}$ minus quadrat, quod sal in eo, acidum sit mihius longè & aquosius.

3. *Sal acidum in fluorem cogit principaliter ignis, ad aquatè salia ipsa & terra.* Ignis in quibusdam subjectis solam diducere præstat, exemplo spirituum acidorum in viâ humidâ parandorum; in aliis immutat & cogit variè texturam, ut aliis figuris posita particulae alium etiam atque alium præbeant saporē & effectum. Hinc alia destillat sibi relicta, alia cum additamentis. Quin quædam adeò intimè sibi cohærent vincula, ut non nisi solo igne possint recludi. Hinc curiosum est illud de sulphure communi, quod possit igne recto sublimari, & varias in formas mutari, & propinari citra vel minimum acidi effectum, quod tamen inesse demonstrat ignis liber, si accendatur. Sunt in sulphure duæ substantiæ, salina acida, & sulphurea resinosa, bituminosa, inflammabilis. Suntque tam arctè ligata, ut oleum sulphuris genuinum $\Phi\lambda\omicron\gamma\iota\sigma\tau\omicron\nu$ inter postulata pharmaceutica referri mereatur. Nisi enim sulphur manifesto & libero igne in gas solvatur, non exurgit liberatus spiritus, sed iterum in formâ siccâ idem concrevit & sublimatur, id quod cum aliis similibus habet commune. Ita verò tractatum eructatur idem. Nullum enim imperium habet ignis in acidum, quod dominium ejus eludit & aufugit propulsum, sicuti pars oleosa inflammabilis ipsi in pabulum cedit. Ut itaque vinculum acidi & sulphurei arctissimum solvatur, igne opus est propellente, & excipiente vehiculo aqueo. Duplici hinc modo paratur spiritus sulphuris & spiritus sulphurei alii, vel accensione apertâ & completâ, unde ab instrumēto excipiente fumum $\Phi\iota\varsigma$, campanâ vitreâ aliâve, dicitur $\alpha\upsilon\sigma\tau\omicron\varsigma$ $\Phi\iota\varsigma$ campanatus, vel accensione clausâ, ut, quæ in apertam flammam erumpere nequeunt, rarefiant tamen & in fumum abeant, quod fit, si clavis addatur sulphuri, nitrum, aliudve inflammabile, quo de vid. *Keslerus*, idemque in clyffis nominatis obtinet. Salia nempe dissociant sulphur, adeoque rarefactioni aptant, ut sic non accendatur solum, sed & detonet, fulminetque nisi coerceatur. Idem verò & terra facit, quæ omnia latius sunt dilucidanda.

4. *Spiritus acidi non prodeunt, nisi excusso, destructo vel infirmato sulphure; facto verò hoc, facile.* Hoc ipsum assertum lucem foenerat & clavem porrigit pro omnibus spiritibus acidis parandis & dilucidandis, insistent aliis non minus firmis & concussis fundamentis, v. g. ignem esse destructorem sulphuris, adeoque sulphur refugere ignem aliis implicatum, neque obsequi æquè; tutari se sulphur sub salium inprimis acidorum velo, sulphur esse rarefactionis principium; sulphur & acidum sibi esse contraria, adeoque & ignem & acidum dissentire. Patet dictum per inductionem omnium exemplorum, quandoquidem spiritus acidi non prodeunt v. g. ex vino, nisi domito penitus sulphure, adeoque sale fluorem adepto super sulphur; non ex sulphure ipso, per dicta. Idem ad oculum patet in ~u ♀i, ubi, mirabili concursu, acidum, oleosum, alcalinum & terreum cohabitant. Idque cum laxius fiat ob dissociationem sulphuris; hinc in ♀ro partes evaporabiles per destillationem sunt duplicis generis, aquos-acidulæ, & oleosæ, quæ ipsæ cum non minimâ quantitate adsint, impetuositatem largiuntur & rarefactionem maximam. Has igitur destillatione expelli commodum est, tum per se, tum ad obtinendum partes salinas alcalicas, in ☉ resistentes. Atque hinc ad refranandum sulphuris impetum consultius est destillare ~um ♀i ex retortâ vitreâ per ignem arenæ, in recipiens vas capacius, neque nisi lbij. vel iv. circiter pro unâ vice retortæ indere, non neglectis ignis successivis gradibus. Quærit enim auras ob dictas rationes. Atque hinc facile patet, non opus esse, ut addatur ☿i, vel ut soli crysalli eligantur, præstare etiam hanc *εγχείρησιν*, quam si ex retortâ terreâ igne immediato spiritum propellere velimus, utpote improporcionado. Fit igitur in ~u ♀i manifestus discessus acidi à sulphure, quod nisi contingeret, spiritus acidulus haberi non posset, reverà polychrestus pro usu sudorifero, aperitivo & purificante sanguinem, unde in febribus, hypochondriacis, hydrope, scabie, ictero, arthritide &c. prodest egregiè, præcipuè cum aliis mixtus, ut in mixturâ simplici, quæ dicitur ~us ♀i compositus, cum Râ ♂is, potionibus &c. Facto verò hoc ~us ♀i impetuosus

sus esse definit & in rectificando placidè decurrit, citra ullam vehementiam ulteriorem, excusso quippe sulphure, quod & in aliis obtinet. Idem verò valet quoque de lignis aliisque grossioribus, ubi ipsâ texturâ nativâ particulis reliquis ita innexum est sulphur, ut igni auscultet, sive aperto, sive suppresso. Exemplo sint spiritus lignorum, corylini, querni, sassafras, guajaci & aliorum. Ex hisce ad ℞iij. iv. rasurâ vel concisione aptatis ad ingressum vasis, per retortam vitream ex ∴â, quod, ob easdem rationes, ac de ∴u ℞i diximus, melius est, stillat liquor sive spiritus acidulus medius, simplex sive compositus, prout unum vel plura ligna combinata sunt, ab oleo temperante sive edulcante separatus. Unde vires cum ∴u ℞i communes obtinet, per se vel cum aliis sumendus ad purificandum sanguinem, viribus diaphoreticis & diureticis, seorsim verò ad Ram coralliorum parandam inde habetur menstruum.

5. *Ubicunque sulphur non dissociatum est texturâ propriâ, additis terreis vel salino-terreis aptatum dimittit spiritum acidum.* Nexus hic sulphuris cum acidis visitur cum primis in salibus mineralibus, eminenter verò in dulcibus. Salia, quâ talia, destillationi non apta sunt per se, quia licet sint acida in centro suo, oblinat tamen eadem sulphur, hæcque se invicem tutantur ab igne ut vel crepitent hinc si igni exponantur, exemplo falis communis, indicio, non vim exerere posse suam ignem, nisi in partes aqueas quæ & ipsæ sic impetuosè disploduntur; vel fluunt & funduntur, exemplo ℞i, Onis, imò & ℞li, ob æquabilem nexum, ut amplexa sese non possint dissolvi vel διαλυσθῆναι pati, sibi relicta, unde simul liquantur & torturam sustinent, itidem dimisso phlegmate, quoad licet. Hinc & alumine oblita ligna non ardent, sed flammam averfantur & retundunt, quo de exemplum legi potest apud Gellum in Noct. Attic. Ut ergò destillari hæc possint in spiritum acidum, opus est dissociatione, absolutâ quidem in ∴u ℞is, ℞i & similium, secundum quid in One & ℞lo. Cum igitur salia pura ad evaporationem, & consequenter acidum, ad fluorem sint redigenda, consuetum est & usitatisimum id præstare triplâ boli communis additione; sive globuli inde fiant cum aquâ, & exis-

exiccati destillentur, quod in $\sim u \ominus$ is aliquando fit, sive simpliciter mixtum, \ominus vel \oplus , vel conjunctim in $\sim u \ominus$ is composito dicto, administratis ignis gradibus lege artis. Utroque sulphur dissociatū & excussū demonstrari potest. In $\sim u \ominus$ is quidē id patet in phlegmate, quod impetuosius est, & hinc libero vase alio, vitreo v.gr., excipiendum. Si enim statim recipiens vitreum adaptes, ordinariē finditur, à sulphure sylvestri rarefacto. Patet in spiritu, qui albus quidem prodit ordinariē, sed si urgeatur ignis, viridescens, vel crocei coloris, quod in oleo salis præcipue visitur &c. In $\sim u \oplus$ i verò nebulae rubellæ, totum recipiens ita quasi tingentes, cum tamen spiritus reverà albus sit, indices sunt sulphuris attenuati excussi & expansi, unde præ aliis spiritus \oplus i sulphureus est, & flammam displosivam concipere potest. Nisi verò tripla terræ addatur proportio, vas rumpitur & nil acidi spiritus acquiritur. Impetuositatem in singulis largitur sulphur, quin & odorem Δ eum in $\sim u \oplus$ i volatili. Pro \oplus lo verò destillando non opus est absolute additione terræ, siquidem ochram plurimam, sive terram metallicam, sibi jam junctam habet; opus tamen est dephlegmatione seu calcinatione, ut partes aqueæ abigantur, terreæ verò cum salinis coëant, & sic vinci hæ ab igne & in fluorem cogi queant. Quâ ratione etiam \oslash \oplus i, seu \oplus lum calcinatum cum \oplus mixtum, per ignis gradus, aquam fortem largitur, seu $\sim u$ \oplus i modificatum; & sunt qui alumen quoque ita per se destillant, retortæ extremo altius locato, ne ebulliens transcendere possit, id quod si fiat, luditur itidem opera, & recipiens rupturam subit. Cum verò & in \ominus ne viscedo manifesta exuperet, & in \oplus lo quoque ex arctiori cohæsione partium terrearum cum salinis appareat, præstat & in his dissociationem adhibere, quâ factâ copiosior spiritus obtinetur, & citius. Aliàs enim notum est, spiritum \oplus i præ omnibus aliis esse fixiorem, & morâ egere, ut vel per tres \oslash urgendus sit, neque tamen acidum fluorem perfectè nanciscatur, quin resuscitari, ut ajunt, seu potius expositione in aerem liberum laxari ille nexus sulphuris possit, & denuò spiritus obtineri acidus. De modo hoc destillandi egimus in *Progress. Acad. Nat. Curios.*

6. *Salino-terrea dissociant sulphur promptius & spiritus acidi fluorem faciunt, in ipsis inprimis dulcibus.* Salino-terrea vocamus, quando sal commune cum terrâ miscetur, vel mixtum est, uti vulgò ~us mellis parandus præcipitur cum silicibus calcinatis & sale communi. Optimum omnium hoc fine deprehendimus ☉ ~us ☽ is, alioqui reſiculum, aptissimum tamen huic scopo, ut exemplis patebit. Cum enim omnia dulcia ob unctuositatem roscidam spumascentem calore attenuata facillimè ebulliant & ascendant, intentio verò sit partem acidam iis immerſam deſtillando propellere, impetrari id non poteſt, niſi frænum ponamus bullulaſcenti illi ſulphuri. Experimentum ut faceremus, mannam ſubjecimus deſtillationi in cucurbitâ vitreâ cum alembico. Exurgebat ad ſublime uſque in ipſum alembicum, in ſpumam & bullulas attenuata, fruſtraneâ operâ. Idem de melle & ſaccharo ſperandum. Adeò veriſſimum eſt non deſtillari poſſe ex hiſce ſpiritum per ſe, per dicta, quia nempe ſulphur illud obicem ponit, neque evolvi patitur partes ſalinas acidas, quæ cum ſic quoque urgeantur, invicem aſcendunt & rareſcunt infinitis bullulis. Cogitatum itaque eſt de medio. Nil confert gradus ignis, etiamſi leniorem adhibeas, nil impetrabis, uti aliàs in oleis, ut aniſi, & aquis hoc moderamine opus eſt, aliàs tranſituris per alembicum conſuſim ipſo ſemine ſeu corpore deſtillando cum aquâ. Nec terra ipſa æquè ſufficit, quia diſſociationem, ut in ſalibus deſtillandis, non tam præſtare poteſt ſufficientem. Hinc nec experimentum *Finckii* ſuccedit, quando *enchirid. dogm. hermet. cap. 4. p. 21.* jubet injicere ſacculos arenâ repletos pugni magnitudine in mel deſtillandum, ne nimia ebullitione illud alembicum tranſcendat, indeque ex cineribus prolicere ſpiritum; quod fruſtra dudum tentavimus. Ut paucis rem complectar, facillimum eſt deſtillare ex melle, ſaccharo, mannâ ſpiritum acidum, addito anaticâ proportionem ☉ ~us ☽ is. Partes enim terreæ & ſalinæ ſulphureas illas bullulaſcentes compeſcunt & diſſociando enervant, ut ſic ſpiritus habeatur acidulus medius, pro tincturâ coralliorum, imò & auri ipſius extrahendâ.

Excipitur verò saccharum hñi, quod dulce quidem est, & ob consimilem ebullitionem sunt qui bolum addunt. Verum fine suo frustrantur, neq; sic spiritum ardentem æquè acquirunt, cum sulphur illud sit paucius, sit non tam acido quàm austero obseptum, unde & dulc-astringens est, cum alia dulcia potius lubricent, quippe in quibus acidum magis extat. Per se ergò potius destillatur, citra ullum tale dissocians. Nihilominus si nitrum & ignis accedat, fulminare potest. Sic & cum salino-terreum sit ⊕ crystallinum, destillatur per se successivis ignis gradibus in spiritum penetrantissimum, (⊕ concentratum) primò albicantem, deinde viridescentem, tertio album nebulosum, pro menstruo convenienti ad tincturam ♂is adstringentem. Ex ⊕ vulgari verò id non succedit, ex quo cum sulphure & gummi ammoniaco compositus, antiasthmaticus fit.

7. *Quæ ignis & salium copulâ acidum spiritum igne concluso per vices ingesta dimittunt, clyssi audiunt.* Inter nomina recentiora, in scholis chemicis enata, non ignobile est clyssus, incertum quo autore. Primus quidem ferè *Paracelsus lib. 4. Pl. les. T. III. oper. p. m. 50.* clyssum nominare videtur vacuum, seu spatium aereum, noctu, inquiens, humiditatem densari magis, appetente sole evocari in altum, sive clyssum. Post hunc describit, & nominat clyssum *Thurnbeuserus hist. plant. p. 90.* ubi præmittit, clyssum vocari unamquamque virtutem, unâ quidem velut è radice ortam, varia in loca distributam, tandem tamen iterum uno loco collectam & unitam. Ut hoc sensu arguatur per ignem attenuatus vapor in amplum spatium, hinc iterum in unum concentratum spiritum. Pingit verò ad *ἰχθυήσεως* demonstrationem tres cucurbitas, uno alembico exceptas, quarum uni oleum, alteri sal, tertiæ liquorem indere jubet, & æquabili igni tria hæc evoluta in alembicum combinare; quod ipsum *κατὰ πῦρ* intellectum vel tyroni pharmacæ notum est non succedere. Neque enim vel æquabilissimo igne tria distinctæ naturæ possunt æquabiliter propelli. Quicquid verò horum sit, ad analogiam horum clyssi hodiè dicuntur, acida vel quasi tantâ deflagrabilia sive detonabilia, successivè rarefacta, seu spiritus

tus aciduli per successivam evaporationem, quæ detonando fit, evoluti, & humido excepti. Duo enim, quod ex dictis patere potest, sunt modi spiritus acidulos volatiles ficos propellendi, (1.) sine fusione, per dissociationem terrearum particularum conjunctarum, ut ignis non tam fluidum, quam evaporabile reddere possit acidum. (2.) cum fusione deflagrabili, tum solitaria, exemplo spiritus sulphuris, tum accelerata per sulphurei & salini combinationem, qui ipsissimi sunt clyssi.

8. *Clyssi sunt vel simplices, vel compositi, minoris vel majoris apparatus.* Sic tales clyssi sunt ex \odot & Δ e, item \odot & \ominus *co, cujus exempla concipi possunt in lapidis prunellæ & \odot i *calis confectione. Ubi, accensione factâ manifestâ, sensui etiam occurrit spiritus acidus, qui si excipiat, habetur clyssus, sive ~us \odot i sulphureus, ~us \odot i salinus. Fiunt ex \odot & ♀ ro, excepto per ♀ i ~u, adeoque ex omnibus, ubi pansum per sal & ignem sulphur excutitur, & ad deflagrandum $\alpha\theta\rho\omega\varsigma$ sollicitatur, detonare vocant medici. In omnibus hisce curiosum & notabile est, fieri concursum nitri & sulphuris, seu inflammabilis, unde, præter hosce enumeratos velut simplices clyssos, tres compositi, eodem tamen recidentes, in officinis classicam indepti sunt auctoritatem, καὶ ἐξοχὴν tamen primus. Ut nempe tres simplices in primis sunt, sic & tres compositi, nempe (1) clyssus sive spiritus nitro-sulphureus giatus, ex \odot ro, ♂ io & sulphure, sulphuratus uno verbo commodè dictus. (2) Nitro-tartareo-giatus, ex \odot o, ♂ io & ♀ ro, quem tartareum ad differentiam vocamus, quia sulphur mutuatur à ♀ ro præcipue, & hinc ♂ io. (3.) Nitro-tartareo-*calis, addito etiam sale *co ad \odot , ♀ rum & ♂ ium, pro lubitu, quibus tanquam corpus jungere etiam solent filices calcinatos, & sic majoris apparatus reddere, ut priores minoris esse constet. Cum itaque hoc concursu, vel sensu teste, sulphur excutitur statim, & in motum, in flammam erumpat, unaque sal acidum liberatum gas suum eructet, tota processus ratio & cautela in duobus consistunt potissimum, (1) in accensione, licet suppressâ, idem enim cōtingit ac si aperte accenderentur. Hæc nisi fiat, nō evolvi potest spiritus, uti par est.

Hinc retorta tubulata probè prius debet esse candefacta, & ipsa ingredientia siccata potius quàm humidula, pulverisata & probè mixta, ut nihil sit in morâ. Hinc sulphur minori ad reliqua proportionem addendum est, ad moderandum impetum, unde *Glauberus Furn. Phil. part. 2. c. 41.* R. $\frac{1}{2}$ lbj, M lbij. Δ $\frac{3}{4}$ lbj. Hinc detonatio summo studio in hac præparatione debet observari. Hinc non nisi partitim, $\frac{3}{4}$ lbj. circiter, injicitur, aliàs enim rumperet vasa. Hinc tubus retortæ globulis ex luto, (hi enim optimi sunt,) mox obturandus, quod & ad alterum scopum pertinet. Consistit enim (2.) in fumi sulphurei acidi exceptione, qui cum copiosus sit, hinc satis capax recipiens continuatâ serie collo retortæ, intermedio pro re natâ tubo alio elongato, adhærere debet, probè itidem lutatis commissuris. Hinc recipienti aquam indimus, ut corpus inveniat spiritus exhalans, quod sub finem admodum promptè subire visitur. Hinc tamdiu expectamus aliquantulum, donec vacuus sit retortæ venter, & successivè omnia fiant. Quin eadem ratio est pulveris pyrii, cujus disputatione factâ spiritus consimilis in auras abit, qui exceptus clyffum largiretur itidem.

9. *E salibus citra deflagrationem prunis candentibus successivè injectis spiritus acidi exurgunt.* Memorandus est & ille modus singularis parandi spiritum v. g. *Œlis Glauberi*, in quem finem furnum invenit aptum huic rei, & descriptum *part. 1. Furn. Philos. p. 6. seqq.* Fundamentum processûs idem est, quod diximus, excussio & infirmatio sulphuris conjuncti, quatenus igni immediatè commissis sal acidum sic liberatur & evolat; captum verò spiritum largitur. Hinc affinis est hæc operatio clyffis, eâ tamen differentiâ, quod in clyffis vasi clauso, hîc prunis ipsis ingeratur materia destillanda, mox ostiis laterali & superiori clausis, ut per tubum ad latus furni spiritus transire in recipientia, seu aludel potius, possint, subtus excipiendi, quod ex figurâ depictâ & αὐτοψία melius potest intelligi. Laudat hunc modum autor, & reliquis præfert ob commoditatem, quod breviori tempore, minoribus sumptibus, in copiâ, destillari sic possint spiritus. Restringit tamen hoc ad unum ferè ~um *Œis*. Cumque sal commune so-

lūm prunis injectum crepitet & diffiliat, duobus modis id coer-
cet, vel miscendo ☉lum vel alumen, atque sic ingerendo
mixta hæc & pulverisata: vel carbonibus in sale cum aquâ solu-
to seu muriâ extinctis, iisque si subdantur carbonēs alii, conse-
quente accensione impetrari desideratum spiritum. Verū
licet satis curiosum sit hocce inventum, non tamen assensum &
applausum plenarium invenit, quin inconvenientia quædam
circa hunc modum deprehendantur, (1.) quod sic non obtinea-
tur spiritus purus, sed partim mixtus gas carbonum, partim spiri-
tu aluminis vel ☉li, quicquid etiam contradicat *Glauberus*, ut
puritatem hanc defendat. Atque sic longè commodius com-
munis retinetur modus, cui etiam addi potest, quod ex muriâ ipsâ
quoque destillari separando possit ~us ☉is, de quo vid. *Ludo-*
vici, item quod cum alumine usto idem obtineri queat commo-
dè. (2.) denegato aeris accessu, & materiâ non inflammabili su-
per prunas ingestâ, necessum est ignem ipsum suffocari, vel debi-
litari saltem, ut propelli spiritus minus possit. Quicquid ho-
rum sit, & sic succedit commodè spiritus, impendendus usibus
variis.

10. *Spiritibus acidis, siccis, nebulosis, hospitium & corporatu-
rum largitur aqua.* Fluorem suum acidum unicè communi-
care gestit cum aquâ, pro cuius modulo & accessione variat con-
sistentia spirituum. Spiritus acidi humidi, solâ separatione a-
scendentes, v.g. ex ☿, sequuntur modum destillandi aquarum.
Alti è carceribus suis sulphureis & terreis missi, nebularum &
fumi, modò albicantis, ut è ☿ro, ☉le & ☉lo, modò rufescentis,
ut è ☉ro, specie expelluntur. Hinc si nulum penitus humidum
excipiens admittatur, spiritus consurgunt craffi, vel butyrosi, vel
solidâ velut formâ ipsâ, exemplo butyri ☿ii, quando vel ☿ius
~tus, qui ~us acidos siccis & concretos continet secum, vel ☉
decrepit. & ☉lum calcinatum, miscentur & propelluntur ex re-
tortâ cum ☿io, ejusve regulo. Ad eundem modum etiam ~us
☉li ipse, & alii butyrosi haberi possunt. Hinc butyrum ☿ii
nil aliud est, quàm ~us ☉lis gummosus, ob defectum partium
aquearum concorporatarum, & præsentiam five commixtionem

intimam partium terrearum, seu regularum, quod ad oculum patet, si affusione aquæ simpl. inde præcipitetur & vitæ. Adeoque spiritus acidi sine humido propulsi tali figurâ exhibentur, & sunt fumosi, seu ad aeris accessum fumant, & ab eo mutuantes humidum liquefcunt magis, imò adaugentur. Hinc differentia patet spirituum acidorum, quod alii sint aciduli, alii acidi, alii acidissimi; alii nebulosi, alii fumosi, alii butyrosi, alii liquidi. Hinc suo sensu tantum acquiritur ~us, ☉lis, ☉li, ☿i, ☽i, ♀is, quantum suppetebat, vel concessum est aquæ seu humidi. Nominatim verò in ~u ☉is parando recipienti inditur aqua simplex largiori quantitate, non sufficit enim extillans phlegma, unde in copiâ majori acquiritur. In ~u verò ☉li & nitri vulgò acquiescere solent in domestico adhuc inhxente vel sali vel bolo humido, quamvis in ~u ☉li etiam consultum sit phlegma proprium indere. Sic & ~us ☿ri habetur majori copiâ, si jam destillatus v. g. è lbiv. ☿ri spiritus indatur, vel relinquatur in recipiente, ut reliquus sic capi & immergi possit promptius. Idem in clyffo laudato & similibus acidis vaporosis omnibus valet.

II. *Spiritus acidi concentrati dicuntur olea, licet improprie dicta.* Solent quidem & abusivè spiritus hi acidi aliquando olea appellitari, non factâ inter olea & spiritus distinctione, uti hinc inde legas in potionibus & julepis oleum ☿is, oleum ☉li, inprimis apud Joëlem, & paulò superioribus annis qui scripsêre, receptum. Accuratus tamen loquendo olea audiunt concentrati spiritus, v. g. quando rectificatur ~us ☉lis, post phlegmatis & spiritus propulsionem in fundo cucurbitæ remanens liquor flavescens, aurei coloris, dicitur oleum salis. Sic & idem in ☉lo obtinet, prodeunte & distinguendo phlegmate aqueo, (licet & hoc quandoque confundatur & pro spiritu acidulo capiatur,) spiritu acido, & oleo, quod spissius est, saturatius & longè ponderosius, ob sal fluorem adeptum summè concentratum, & in viâ coagulationis adhuc gravius. Hinc butyrum ☿ii, spontaneâ morâ & aeris accessu deliquium passum, optimè sic depuratum, ut nullâ aliâ rectificatione egeat, communissimè dicitur oleum ☿ii. Et mirandum est, quomodo tam intimè solutum
conti-

contineat mercurium vitæ occultatum, & quomodo diduci hæc olea possint, ut oleum vitrioli contentum vitro, successu temporis, labentibus mensibus vel annis, eo spatio contineri amplius non possit, velut multiplicatum. Ut vel inde probari possit, sal esse magnetem humidi, & alcali & acidum, mediumque ipsum, nisi alia interveniant obstacula, quæ poros oblinant & alterent.

12. *Salia acida invicem mixta sese acuunt.* Acuunt sese mitia & fortiora, exemplo spiritus ☿ri & ☽li, si destillentur simul ana, vel ☽li subquadruplo, in spiritum aperitivum, qui geminus, si non melior, est spiritui aperitivo Penoti. Habet hic sanè suum usum, quandoquidem sal ☿ri ochram vitrioli magis præcipitat, filices verò calcinati dissociant magis implicans acidum sulphur, unde, accedente per deliquium necessarium humido, destillari potest spiritus. Idem verò facilius dicto modo confieri potest, vel misceri etiam spiritus uterque. Solent verò fraudatores illi, qui spiritus venundant, ordinariè quasi acetum ☿ri sic acuere, ut in copiâ parent, à quo cavendum est, quod vires sic aliæ acquirantur. Acuunt sese fortiora ipsa, quin immutant quædam. Si cui ☾is, quod itidem faciunt dicti homines, sal proprium addatur, fortior sic redditur, præter morem suum. Idem de spiritu nitri, sale proprio saturato, valet. Notabile est, ex nitro & vitriolo fieri aquam fortem, quæ hinc de utrisque participat, in medium quid, acidum tamen, sic immutatis. Melius quidem esse scribit *Polem. de sulphure philosophor. pag. 61.* si spiritus nitri & vitrioli seorsim destillati misceantur, & rectificentur, nam spiritum vitrioli retardare acetum nitri. Alii hoc modo infringere se spiritus contendunt. Sed satius esse, ut viâ siccâ, quàm humidâ paretur ☿, sensus demonstrat: simul enim miscentur in mortario vitriolica & nitrosa quævis, (ideò in compositis non miscenda vel liquida vel solida,) statim odor aquæ fortis emergit, & nares ferit. Atq; sic ex p. j. nitri, p. ij. ☽li prius calcinati paratur per retortam, per gradus igne adhibito, & quantum decessit vitriolo inter calcinandum circiter aquæ, in recipiens indito. Compositæ aquæ for-

tes cum amiantho, tutiâ, & aliis audiunt gradatoriæ, de quo vid. *Kesler*. Ut verò nitro additum vitriolum aquam fortem efficit; sic \ominus *cum, vel sal gemmæ, nitrum ipsum, subquaduplâ vel suboctuplâ parte additum aquæ forti, illam acuit, & in aquam regiam commutat & exaltat, tum viâ humidâ, simplici solutione, quamvis quidam destillare denuò malint: tum viâ siccâ, nitro & sale gemmæ simul destillatis cum bolo, quo fine etiam aliquando adhiberi potest spiritus salis compositus. Qui verò nitrum & sal ammoniacum pulverisata ana destillare volunt, vix videntur finem optatum obtinere posse, ob gas elasticum potentissimum, quod faciliè fulminat. Observavimus, pro destillatione -us nitri, bolum & nitrum ana recepta in \odot cum fragore disruptisse retortam; multò magis id timendum est in solâ salium horum mixtione, quæ se invicem evocant, unde sunt, qui, ad ductum *Tenzelii*, per retortam tubulatam id peragere sustinent.

13. *Salia acida metallis infringuntur*. Non tam mens est asserti, in solvendo infringi virtutem spirituum acidorum, cum effervescent cum iisdem inter solvendum, quàm pro destillatione præstandâ. Notus est spiritus vitrioli martis, spiritus vitrioli veneris, quos etiam citra mentionem vitrioli efferunt, spiritum martis, spiritum veneris, quorum hîc acetum esurinum hinc audit. Modus parandi non differt à posteriori, vitriolum martis, vitriolum veneris eodem modo destillantur in spiritum, ac vitriolum vulgare. Differre verò volunt vires, & non solum subtiliores sic evadere, sed & virtutes quasdam accipere. Hinc *Faber*, per hyperbolen chemicam, ad miraculum & stuporem scribit spiritum vitrioli veneris opem ferre omnibus illis, quibus deest facultas retentrix seminis, & qui perpetuâ gonorrhœâ laborant, cum aquâ quercus sumptum, quæ ipsa etiam hâc vi polleat. *l. 3. secret. chemic. 6, 4. p. 424*. Verum si penitius paulo intueamur $\epsilon\gamma\chi\epsilon\iota\sigma\iota\sigma\iota\nu$, seu destillandi modum, sanè actum agunt, qui ex vitriolo martis, vel veneris, spiritum destillant & aucupantur subtiliorem ac meliorem. (1) enim omne vitriolum jam dum de naturâ martis vel veneris parti-

participat, unde hermaphroditicum audit. (2) Actum agitur, si primò spiritus vitrioli ex vitriolo communi paratur, cum hoc vitriolum ex marte vel venere, ubi acidum iterum corporefit, ochram terream tanquam corpus assumendo, & ex hoc denuò id, quod prius jam obtinebam. Sin acuere illum velimus, præstat vitriolum martis parte suboctupla, 3j. in 3j. spiritus solvere, inque usus aperitivos roborantes impendere. Unde (3) spiritus hi vitrioli martis, vitrioli veneris, à spiritu vitrioli vulgari non differunt, imò ferè debiliores sunt, vel saltem pretiosiores, non virtute nobiliores.

14. *Spiritus acidi constituunt menstrua corrosiva, & medicamenta.* Menstrua præbent omnium potentissima; menstrua ad extrahendum spiritus acidi mitiores, diffusiores & medii, ut acetum destillatum, (succos consimiles non attinet hoc loco laudare pluribus,) spiritus mellis, mannæ, viridis æris &c. tum per se, tum adjumento comitante vel subsequente \sqrt{v} i, quod ex aliis capitibus & oculis abundè notum est. Menstrua ad solvendum spiritus quidem mitiores quoque, magis tamen, fortiores. Solvit aqua fortis metalla omnia, excepto auro, solvit aqua regia aurum, non alia metalla, saltem recepto solvendi usu. Solvunt spiritus hi acidi fortissimi metalla, destruendo compagem mixti, quæ in sulphure residet. Sulphur est vinculum & compages universalis, unde omnia menstrua tantum solvunt ex mixtis, quantum juris habent in sulphur, quæ regula generalis esse potest omnium solventium. Cum verò acida in sulphur, quæ tale & cohæsivum est, minus virtutem suam exercere queant, unde aqua fortis, quæ solvit argentum, aqua regia, quæ solvit aurum, fixissimum corpus, non solvere novit sulphur commune, fixitate nullo modo cum dictis comparandum; solvunt hæc ipsa metalla, ob junctam terram. Hæc cum abundet in metallis, neque pori sulphuris aditum omnem in terram excludant, ut in sulphure vulgari, fit, ut hæc mediante jus in sulphur obtineant, idq; devorent partim in quibusdam, argento, auro, cupro, plumbo &c. partim immutentur ipsa magis, ut spiritus vitrioli & omnis acidus in ferro,

acetum destillatum in minio &c. Constituant in his menstrua primaria, uti in aliis secundaria, cum spiritibus vinosis juncta, sub aquæ temperatæ nomine, ut in elixirio proprietatis, juncta cum aquâ simpl. in tincturâ rosarum, violarum &c. Constituant verò & corrosiva, pro excitandis foniculis, absumentis excrescentiis, extinguendo caractere peregrino seminali in nævis maternis, sed cum cautelis debitis adhibita, ut juvent, non noceant. Præbent corrosivum, & causticum in carbunculis pestilentibus &c. Dissolvunt & sic sulphur vitale & mixti, seu partis, cui applicantur, unde inducunt νέκρωσιν, quæ agendi ratio corrosivorum est genuina. Atque hinc etiam interno usu ita moderandus eorum usus, ne noceant, ardoremque vel escharam inducant ventriculo. Præbent verò & cathæreticum, & desiccant, absumuntque ulcera mitigata. Sic in ulceribus labiorum spiritus salis leviter contactus sanat promptissimè. Sic *Jachinus* aquam fortem cum aquâ plantaginis commendat in ulceribus nasi, *comm. in Rhasen. p. 226.* Denique largiuntur medicamenta, polychresta & potentissima. Quicquid ab acidis expectandum est ullis, id potenter & κατ' ἐξοχήν præstant spiritus acidi, usu stomachico spiritus salis & vitrioli, carminativo spiritus nitri: incisorio, resolvente, diuretico, aperitivo, hypochondriaco, nephritico, antifebrili, refrigerante & alterante singuli: sudorifero, diuretico & laxante alyum, clyffus antimonii sulphuratus. Tacemus alios speciales usus in singulis, hinc inde annotatos, qui tamen ex hisce generalibus omnes fluunt, unde spiritus vitrioli cephalicus acidum vitrioli subtile & volatile, magis tenuatum & separatum, exhibet, spiritus viridis æris cum ☿ factus antiasthmaticus &c.

LIBRI II. SECTIO V. CAPUT III.

De Spiritibus urinosi.

Restat, ut dicamus quoq; de SPIRITIBUS URINOSIS, qui & ipsi summè activi sunt, ut tribus hisce heroibus
ad

ad omne morborum genus uti liceat. Certare verò urinosi cum reliquis possunt tum subtilitate, omnium maximè enim sunt volatiles; tum viribus, absolutè & respectivè consideratis. De his ergò not.

1. *Spiritus urinosi à sale volatili liberato & fluorem indepto consunt.* Urinosi dicuntur ad differentiam vinosorum, & acidorum, qui saporem consimilem & odorem de se præbent, hi verò urinosum, sensibus inter se admodum affinibus, qualis nempe ex urinâ resolutâ in stabulis equorum, in cloacis &c. spirat; quod cum communissimum, & nemini non notum sit, ad hujus instar omnes consimiles hinc dicuntur urinosi, seu sale volatili fœti, quo ipso essentialis differentia simul elucet, quomodo à reliquis ad extra & intra distinguantur. Cumque præ reliquis volatilis hujus seu salis seu spiritus esset natura, & in quibus eminet, nec ligatum est, promptè se subducit & aufugiat in auras, immersum quoque & ligatum, vel sociatum saltim deprehenditur aliis, ita, ut in quibusdam nullo se prædat à priori sensu, ut in cornu cervi, in aliis odor acidus potius se exerat, ut in formicis & pane, in aliis Sulphur volatile variè specificatum, ut in floribus, & herbis. Totum igitur artificium acquirendi spiritum urinosum consistit in libertate salis volatilis, quâ præsentè se satis manifestat, ut è contrario occultatum est, vel in totum, vel in tantum, cedens aliis potentioribus. Hinc nosse vincula oportet, quibus illigetur & innexum velut captivetur, ut sic è carcere liberari queat. Ita verò fluorem adipiscitur itidem & prædominatur, reliquis subjugatis; fluorem tum potentialem, qui in salis liberati consistit evolutione, tum actualem, cum promptissimè liquori immergatur, atque sic spiritum exhibeat, liquidâ formâ.

2. *Spiritus urinosi ex omnibus regnis, vegetabili, animali, & minerali sunt parabiles.* Hactenus quidem id minus notum fuit, & spiritus Φλογισοι ex vegetabilibus magis, acidi ex mineralibus, urinosi ex animalibus ferè parati, in quibus omnibus abundantissimè reperiuntur, id quod etiam κατ' ἐξοχήν valet, & verum est. De vegetabilibus id negarunt communiter,

nominatim *Zwelfferus* & *Mæbius* noster, alibi laudati, quamvis sal volatile in plantis antiscorbuticis agnoscerent, & idem in cephalicis deprædicasset *Helmontius*. Hodie verò, vel nostrâ levidensi operâ accedente, in apertam lucem posita sunt salia volatilia, seu spiritus urinosi plantarum, ut ad αὐτοψίαν, ad sensus provocandū sit, si quis amplius negare id sustineat, unde & ex fuligine dudum notus spiritus urinosus, spiritus cochleariæ, lil. convall. urinosus, exemplo esse possunt, de quo l. 2. de *sale volatili plant.* egimus latius. Ex mineralibus verò difficulter quidem id videtur impetrari posse, ob prædominans acidum; prodeunt tamen spiritus urinosi ex his quoque, tum per se, particulis salinis volatilibus sub jugo aliorum incarceratis liberatis, exemplo vel solius spiritus salis ammoniaci nativi, tum in quibusdam per κοινωσίαν, ut ex alumine, ad cujus præparationem prius urina accefferat. Ubi & illa differentia est notabilis, spiritus vinosos odorem & saporem retinere magis, unde & audiunt vinosi, acidos minus, medio modo se habere urinosos, uti manifestè in dictis exemplis videre est.

3. *Vincula sal volatile detinentia & implicantia duo sunt, sulphur & acidum.* Cum non offerat se sensibus æquè, vel tamen non solum & præcipuè, noscenda sunt illa vincula, ut ex illorum sinu seu carcere liberari queat spiritus volatilis urinosus. Distingui possunt hæc ipsa in principalia & adæquata, licet iterum & in his differentia deprehendatur. Principale ligans & domans est acidum, hostis Vatinianus omnis alcali, maxime verò volatilis. Hinc difficillimè omnium acquirere licet sal volatile ex abundanter & purè acidis, ita ut vel jures nullum adesse penitus. Principale illigans & obvolvens est sulphur, cujus visco glutinoso irretitum quasi captivum detinetur, ægrè dimittendum, id quod exemplo ossium, cornuum, & cranii humani illustrari potest. Liqueoribus ac oleis animalium terrâ absumentis & exesis, verba sunt *Quercetani in trad. affect. cap. p. m. 228.* ossa salium domicilia, ipsaque propè tota sales, licet exiccata tumulto, fixa tamen firmaquè tota persistent, nullâ temporis serie expugnabilia nec vincenda.

Quo

Quo ipso tamen loco non nosse videtur sal volatile ossium, cum incinerare eadem jubeat, ut virtutem suam exerant. Satis nobis sit, etiam ex ossibus & calvariis è cœmeteriis depromptis posse propelli & separari sal & spiritus volatiles. Adæquatum illigans & dissocians constituunt reliqua: aqua & terra. Curiosum est, ob teneritudinem ipsum sal volatile ita obscurari posse in aquâ, ut ne vestigium sui relinquat. Si v.g. sedum minus, satis acre & sale volatili fœtum, è cucurbitâ recens destillatur, liquor prodit aqueus, non acris, ob liquatum sic sal in aquam magis, quod prius videbatur magis se exerere, id quod & exemplo succorum patet, qui ex proportionem vel respectivè æstimati minus sæpe sunt acres ipsis integris mixtis.

4. *Liberant spiritus & sal volatile tria: ignis, alcali & putrefactio.* Dissolutis vinculis dictis, necessum & consuetarium est, liberari spiritum & sal volatile. Notanter dicimus spiritum & sal volatile, cum unum quidem sint re, distinctum verò modo, fluore, uno verbo, igni & aquæ debito. Ignis in destillatione spirituum urinosorum se gerit ut analysta communis & proprius. Communis, quia propellit omne volatile & evaporabile, atque adeò quoque ipsum sal volatile. Proprius, quia est principium destructivum sulphuris, tanquam vinculi, quo destructo idem liberat.

Alcali est contrarium è diametro acido, ergò dum infringit ejusdem vires, libertate suâ potitur sal volatile. Non verò omni acido & alcali commissis sal volatile emergit, licet gas subtile elasticum eructetur, exemplo præparationis Fri Otii, Oli maris, arcani Fri & similium, sed eo saltim casu vel potissimum, ubi substat acido alcali & subjugatum est, qualia sunt ammoniacalia omnia. Facit id alcali modò extraneum, de quo in sequentibus, modò domesticum, juvando & promovendo libertatem, uti notum est in destillatione tus salis, igne fortiori circa finem adhibito flores ammoniacales, etiam rubros, emergere. Liberat putrefactio, ubi sulphur vitale nexibus suis exutum destruitur, atq; sic centraliter illo referato salia se in libertatem vendicant, & ab itum moliantur, beneficio humidi, cui se associant, unde si ignis propulsor accedat, potest haberi spiritus

urinofus, imò & per se exhalat sæpe, naresque & oculos ferit. De his speciatim dicendum est ulterius.

5. *Quandocunque innexum sulphuri & terre solis est sal volatile, propelluntur spiritus urinofi igne concluso.* In quibusdam sola ignis tortura sufficit, ad viscum sulphureum gelatinosum tollendum. Exemplo sit spiritus cornu cervi, eboris, alcis, cranii humani, viperarum, serpentum, fuliginis &c. Omnia ossa, & his similia solida ex animalium genere, ut dentes, chelæ & oculi cancrorum, pollent (1.) plurimo sale volatili, gelatinæ, seu sulphuri viscido immerso, quod hinc inter destillandum facessit in oleum. Gelatina ossium nota est, notum sulphur unctuosum fuliginis, nota mucilago in ludo, & in ipsis lapidibus cancrorum. (2.) partibus terreis fixis, quibus aquæ ministrant, & mixturam singulorum promovent. Cum ergò ignis liquat roscidum illud gelatinosum, fitque *diakinesis* manifesta, liberatur hoc ipso humidum, & huic immersum & per se quoque patens sal volatile. R: v.g. cornu cervi g. m. concis. rasuræ eboris tornati, vel aliorum, ex dictis, v.g. lbij. vel iij. q. v. Indita retortæ vitreæ destillentur l. a. igne arenæ, cum debito receptaculo, per gradus. Procedit primo loco spiritus, (neque enim phlegmatis hinc attenditur differentia,) succedit oleum empyreumaticum, foetidum, & ipsum sale volatili refertissimum, & denique sal volatile copiosum, pro uniuscujusque modulo, parietibus recipientis variis hastulis & figuris se affigens, quæ ipsæ hinc non attenduntur æquè, licet curiosiores etiam diversitatem hanc mirentur, uti sal volatile. cornu cervi parallelipipedi figuram æmulari scribitur. Absoluto propulsione opere oleum separatur à spiritu, beneficio tritorii vel filtri, spiritus verò cum sale volatili conjungitur, quod cum ob copiam non solvere vel recipere omne queat, eluitur (liquidem spirituosâ liquidâ expetatur formâ,) aquâ simplici, quæ præ *V* i ferè potior est, ob promptiorem solutionem & homogeneitatem, quantum ad solutionem sufficit. Hinc vel per subsidentiam solam, vel per destillationem à cineribus vel calce vivâ, rectificatur, separatis sic particulis ramosis oleosis, unde ferè ordinariè etiam rectificatus flavescens, seu non adeò pellucidum

lucidum colorem recipit, nisi alia artificia accedant. Reliquum verò caput mortuum, si igne aperto uratur ad albedinem, fit respectivè cornu cervi ustum, ebur ustum seu spodium &c. Quod si per retortam terream igne immediato fiat destillatio, sal volatile terreum magis confurgit, unde consultius ferè, nisi majori quantitate intendatur spiritus, ex arenâ idem paratur. Sic etiam ex sanguine humano, cervino aliove copiosissimum sal volatile seu spiritus urinosus paratur, per solum ignem propellendo. Imò & sanguis hirci, vel alius exiccatus, si destillationi subjiciatur, idem demonstrat, unde modus agendi sanguinis affini in melancholiâ, hirci in casu ab alto & pleuritide patere potest. Idem fit ex pipere per se, ex semine rutæ, cochleariâ siccâ &c. Nec aliter se res habet in mineralibus, consimili lege gaudentibus. Ita enim paratur spiritus calcis vivæ, quem frustra hinc ex calce quæras, (vel saltim non nisi minimam partem,) urinosus, volatilis, insignium virtutum, ex lib. vi. vii. per retortam destillando lapidum istorum fragmenta.

6. *Ubi cunque sal volatile ab acido ligatum est, alcali addito spiritus urinosus propellitur.* Liberatur enim sic ligatum volatile, ut sui juris esse & prodire queat. Ratio hujus in contrarietate perpetuâ alcali & acidi consistit. Exemplo fit spiritus Pri urinosus Langelotti, quando tartarus sale proprio recluditur, atque sic spiritum volatilem dimittit, neque idem sal volatile sub oleo tam latitare potest. Inprimis verò exemplum præbet spiritus Θ is *ci, qui inter omnes urinosos facile principem tenet locum. Exuperant in Θ e *co, tum nativo, tum arte factò, duo elementa: partes urinosæ volatiles ligatæ, & quasi fixatæ, & acidum ligans, idquè sub panso admodum sulphure. Hinc quamvis geminus sic haberi ex illo possit spiritus, urinosus, respectu priorum, & acidus, intuitu salis acidi, de quo legi meretur *Polemannus*: nam destillatus cum fecali huic potius quam sali ammoniaco debetur; usu tamen recepto magis spiritus volatilis expetitur, & κατ' ἐξοχήν dicitur spiritus Θ is *ci, acidus verò seorsim potius ex sale communi petitur. Hinc per se, si igni subjiciatur, vel non additis alcalibus, nullum præbet spiritum urinosum, nullum sal volatile, sed flores

varios,

varios, æquabili texturâ salium remanente, quamvis sal volatile ferè potiores in floribus affectet partes. Spiritum verò urinosum promptissimè largitur, addito humido excipiente, aquâ vel Ψ i, & alcali propellente quocunque, v.g. cineribus vulgaribus, cineribus clavellatis, sale Ψ ri, calce vivâ, nitro fixato, Ψ ro cum nitro calcinato &c. ita enim statim evolvitur. Idem quoque valet de salibus ipsis fixatis ex parte & sic quasi revivificatis. Eadem verò ratio est urinæ, quæ salis ammoniaci cum sale communi vel marino basis est. Cum enim & hæc constet ex sale acido, nitroso, & subjugato ab eo volatili urinoso, seu, uno verbo, sit ammoniacalis naturæ, hinc spiritus urinosus quidem ex urinâ ipsâ rarius ferè paulo hodiè paratur, supplente commodissimè ejus locum spiritu Θ is \ast ci dicto, liberari verò itidem extemplò potest & propelli, si urina, in primis, pro phlegmate superfluo abigendo, ad tertias circiter evaporatione factâ, additione eorundem alcalium destilletur. Quibus ipsis monemur, ut de spirituum urinosorum naturâ dicamus.

7. *Spiritus urinosi excusso acido, subtilisato & pansissimo sulphure, igne obstetricante fiunt.* Nullus spiritus urinosus fieri potest, nisi absit acidum, ligans perpetuum: absit privativè, ut in cornu cervi; absit positivè, infractum & annihilatum quasi per alcalia addita. Ast si meminerimus, idem acidum obtundere sulphur, sulphur verò explicatum & pansum esse principium odorum, spiritus urinosos esse odoratissimos, seu odore gaudere penetrantissimo omnium; sulphur optimè pandi & recludi ab alcalibus, facile in spiritibus hisce urinosis omnibus pansissimum & subtilissimum mirabimur sulphur. Spiritus nempe urinosi non simplicia sunt salia, sed composita ex sale volatili & sulphure subtilissimo. Patet id, quod cum spiritu Θ is \ast ci urinoso ne mica procedat olei, etiam si cum fuligine paratum fuerit, absorpto omni sulphure, omni oleo, à salibus. Patet, quod urina quoq; destillata nullum largiatur oleum eodem modo, & tamen aliâ $\epsilon\gamma\chi\epsilon\iota\sigma\iota\sigma\iota\varsigma$, per evaporationem & putrefactionem v.gr. præviam largiatur per hodierna inventa phosphorum, odore & luce sulphur pansissimum ad oculum sistentem.

Idem

Idem quoque de omnibus aliis spiritibus urinosus valet. Imò varietatē unicè & differentiam velut specificam nanciscuntur à differente sulphure, unde & spiritus fuliginis nauseabundus est præ aliis. Neque obstat, inter destillandum & hunc ipsum non minus ac alios quosdam comitari simul propulsus oleum. Quod enim recipere nō quit junctum sal volatile, seorsim relinquitur & existit sic. Idem quoque à virtute horum spirituum probari sufficienter potest.

8. *Arctius innexum acido, sulphuri, & reliquis sal volatile, in quibusdam igne aperto laxatur.* Curiosum est, quamvis cuius obviū, experimentum lignorum & fuliginis.. Ligna omnia, quercus v.g., pini, sanctum, betulæ aliaque combustibilia, & foco toto die inservientia, igne clauso subjecta retortæ, spiritum acidum præbent, cum oleo & sale fixo in capite mortuo. Nullum ibi deprehēdas sal volatile, nullum spiritum urinosum. Aperto verò igne cremata idem largiuntur, teste fuligine, quæ nō aliunde, quàm ab iis melior emergit. Ratio est hujus phænomeni, quod acidum exuperet & figat sal volatile: quod ipsum excuti nequeat igne concluso ita, ut in apricum prodeat sal volatile. Cedit enim alterum alteri perpetuò, spiritu urinoso stillante nullus acidus, acido stillante, nullus urinosus exit simul.

Quæras igitur, ubi latitaverit sal volatile, an in spiritu acido, an in oleo, an in sale fixo & terrâ? In oleo putaverim, quod hinc vires suas sortitur, exemplo olei ligni sancti, corylini, seu heraclini Rulandi. Hinc etiam spiritus ♀ri, spiritus cornu cervi alio modo parari possunt ex oleo eorundem, si affusus ♀ri abstrahatur, licet transumat partes oleosas simul, sicque occultet sal volatile nihilominus. Quando ergò in pabulum, cedunt igni ligna, acido excusso deflagrat sulphur maximam partem, pars verò sub rapido illo flammæ impetu adhæret fornaci, sicque successive magma unctuosum colligitur, unde sal volatile lignorum, aliàs minus acquirendum, pelli potest.

9. *Ubicunque particule humide abundant cum laxiori texturâ mixti, spiritus urinosus putrefactione acquiritur.* Putrefactio, quod diximus, præcipuè quoque extricat sulphureum viscidum

vinculum, modò laxius fit illud, & humido macerante instrumtum. Putredo enim fit in humido, in sicco nullum jus habet. Simul verò committit sal acidum & urinosum, ut vel propellant se invicem ipsa, vel igne extrudi queant & separari promptè. Patet id exemplo spiritus urinæ, qui præter primum modum, additionem alcali, etiam paratur per putrefactionem, seu resolutionem sulphuris, quantum secum condit & possidet, cujus comes & index est foetor. Recipiatur urinæ bona quantitas, stet eo usque in vase terreo aliove, donec foetere incipiat & urinositas se prodere. Hinc destilletur cum suo phlegmate, & rectificetur. Hæc ratio succedit, licet hodiè præ altera illâ minus frequentetur: neque opus est, ut urinam eligamus impolluti, vel vinum bibentis, satis est, ut non post cibum statim sumptum aquosa recipiatur. Quod enim communiter referunt quidam chimici, urinis sanorum & juvenum plus salis volatilis inesse, quàm infirmorum & senum, idemq; à vini potoribus quàm cerevisiæ vel aquæ magis expectandum, id cum grano salis intelligendum, neque absolute verum est. Non enim tam ex potu, quàm ex cibis emergit sal volatile, testib; brutis, quæ putam bibunt aquam, exemplo equorum, felium, cervorum &c. & tamen sal volatile copiosissimum in sanguine & urinâ ipsâ possident. Exemplo quoque fit spiritus lumbricorum volatilis. & lumbricatus ignavior est, nisi aliquoties de novis abstrahatur, neque tamen urinositatem sic recipit, cum sal volatile itidem viscido glutinoso sit immersum. Urinosus verò fit tum per putrefactionem, si lumbrici vivi in ollâ vel vitro stent, donec resolvantur in tabum, & hinc destillantur, qui tamen spiritus est foetentissimus; vel statim è retortâ vitreâ, superingestâ bonâ quantitate cinerum, propellantur, qui spiritus efficacior est, laxiori enim compage sulphureum gluten dimittit sal volatile, inprimis dissociatum cineribus. Exemplo sint spiritus urinosi plantarum, per putrefactionem itidem parati. Recipe folia cochleariæ recentia, vel flores liliorum convallium recentes, indantur retortæ vitreæ, obturato leviter orificio; stent per unam alteramque hebdomadē, donec facessant in tabum, seu putri-

putrilaginem. Hinc ex arenâ destilletur spiritus urinosus, pro lubitu rectificandus à parte phlegmaticâ aquosiori. Sin minus abundet humiditas, affusione aquæ id præstatur etiam in siccis. Sic eodem modo ac ex lumbricis etiam ex cornu cervi & ebo-
re aliisque spiritus urinosus albus paratur, separato oleo em-
pyreumatico, si aqua gelatinosa per coctionem emergens, sub
præparatione Philosophicâ, putrefiat & hinc destilletur.

10. *Præviâ putrefactione siccâ, & apparatu decenti factô,*
(ablato excedente humido,) *impositæ sibi plantæ, calore interno*
concepto, propellunt sine igne spiritum urinosum. Id verò exem-
plo glasti invenimus & exposuimus latius *l. de sale volatili plan-*
tarum. Dicimus putrefactionem, plantæ enim contunduntur
& sic laxatur compages, succusque proprius subit corruptio-
nem. Dicimus siccam, aëre enim siccata in globulos for-
mantur, qui itidem exiccantur, & hinc demum sibi impositi
spiritum urinosum spirant, tempore præsertim æstivo, aëre am-
biente calido evocante. Ex quo ipso phænomena plura curi-
osissima patere queunt & confirmari, v. g. sulphur tenaculum,
esse salis urinosi volatilis; sulphur in putrefactione & fermenta-
tione palmam seu principalem locum tueri; sulphur agitatum
in motum calorem citare; plantas acido & alcali salibus pol-
lere; sub nexu sulphuris amicè prius composita hæc secum pu-
gnare, & sulphur ipsum tenuatum cum sale volatili sic propelli,
ut taceamus sulphur quoque sic haberi posse, aurati instar, &
quæ alia inaudita olim exinde possunt elici. Hæc ipsa verò
in præparatione glasti ad oculum se exerunt, à nobis demum,
curiosius observata, simulque destillari spiritum urinosum ex
plantis per se, sine additamento, & sine igne, quod problema
primâ fronte videbatur impossibile, est tamen per *автоψία*
longè omninò verissimum. Tanti est observare etiam ubivis
obvia & mechanicorum vilissimorumque sæpe hominum ope-
ra, his arcanis maximè foeta.

11. *Sali volatili abscondito sub oleis & spiritibus liberando*
obstetricantur acida fortiora. Notabile est primum in hoc ipso
asserto, olea esse réceptacula salis volatilis. Sulphur liben-

ter hospitatur in sale, sal in sulphure. Sulphur absconditur, in salibus fixis, factâ incineratione plantæ. Salia volatilia absconduntur in oleo. Hinc tantum potest oleum, quantum pollet sale volatili, & illa olea sunt destillabilia magis, quæ sale volatili pollent, reliqua pigra sunt. Quis crederet sal ammoniacum inesse sulphur, nisi & per se sublimatum, cum bolo præsertim, colore id se proderet, & in spiritu urinoso odore? Hinc oleum cornu cervi foetidum hystericis gratum est, ob sal volatile junctum. Hæc verò thesis ut certa est, ita pro impetrando eodem artificio opus est, sive id fiat cum Ψ i destillando v. g. ex oleo cornu cervi, sive per acida. Sic è Ψ i concentrari & haberi posse sal volatile, dilucidavimus alibi latius, ut huc illud repetere non opus sit. Uti verò spiritus urinosi pansissimum habent sulphur, & subtilissimum, licet mole paucum: sic spiritus vinosi pansissimum & subtilissimum habent quoque sal volatile, quod sapore se prodit quoque, licet prædominetur ipse spiritus vinosus, unde *Helmontius* ex $\text{lib. j. } \Psi$ i salis volatilis $\text{3}\beta$ haberi posse scribit, si imbibatur in sale tartari siccato. *l. aur. vit. p. 576.* Idem sal volatile demonstrari potest ex oleis destillatis, hinc enim est, quod oleum v. g. cinamomi sæpe crystallifetur promptè, quod oleum anisi, rosarum verum aliaque concrecant, & virtutes suas exerant varias. His si affundatur oleum vitrioli, effervescent, quatenus aggreditur acidum hoc penetrantius sal volatile, ipsaque sic invicem separat. Quod si hinc per alcali iterum excutiat acidum, haberi potest sal volatile, seu spiritus urinosus, licet parcior pro re natâ, quam in rem jam supra de oleis fumus plura commentati.

12. *Spiritus urinosi è salibus fixis non dantur absolutè.* Liceat nobis hoc ipsum asserere paradoxon, notissimum enim est, quantum decantetur sal ¶ ri volatile, quod succedaneum ipsius alcahest statuit *Helmontius*, quod omnem venarum amurcam, abstergat, unde strenuè in parandi ejus modum inquisitum est, & ipsum exempli loco inservire potest, instar omnium aliorum. Si modos parandi lustremus, in quantum quidem innotuere communiter, pro volatilifandis & destillandis salibus alcalibus fixis

fixis impenderunt alii primò terrea corpora, qui processus est *Angeli Sala & Deodati*, quorum ille cum bolo vulgari, arenæ jam immersæ, permiscet, in globulos format, & ad instar spiritus salis aperto igne destillare jubet, hic cum silicibus contusis & sabulo puro idem tentat ex sale v.g. absinthii. Verùm hi scripsisse videntur magis ex ingenio & theoriâ, speculatione, quàm ex praxi, uti plura ejusmodi alia superioribus illis annis exarata & conscripta sunt, sine experimentis, sine ratione, non minus, ac de lapide Philosophico ipso idem asserere licet. Quod in salibus acidis succedit, non item in alcalibus expectandû est; unde qui liquor prodit, debetur phlegmati seu humido bolari, & salis, citra fluorem. Idem quoque prædicandum est de spiritu aperitivo Penoti, qui vitriolicus est, acidulus magis, non urinosus. Alter modus est eorum, qui aquæ aëreæ adminiculo idem tentant, quod secretum est *Zwelfferi*, qui *pharm. Regiæ class. 15. p. 719.* jubet oleum $\text{F} \text{ri}$ p.d. abstrahere per alembicum igne arenæ, eo usque repetendo deliquationem & abstractionem, donec à volatili illo attracto universali sale aëris omnis sal $\text{F} \text{ri}$ volatizatus transferit per alembicum, quæ sanè conditionalis ponit inesse nihil. Phlegma manet phlegma, sal manet sal, parum vel nihil ad volatilisationem genuinam conferente aere vel igne. Tertius modus adscito in subsidium $\text{V} \text{i}$ fit in $\text{V} \text{i}$ tartarificati exemplo, ubi salinum quid ascendere fidem facit odor & sapor, viresque salinæ eminentiores. Sed ut non negatur, ignem etiam fixiora paulo sic abripere & evehere; ita urinosum illum non esse in confesso est. Quartus modus est *Helmontianus*, quando *l. de trib. princip. Chim. uti sunt causæ morborum, p. m. 334. t. 84.* ad exemplum salis volatilis cinamomi, oleum suo sali alcali miscetur, circulando per aliquot menses, & postmodum sal volatile inde destillando. Sed hæc ipsa *ἐγχειρίσις*, è salis & olei connubio, succedit quidem; verùm quæstio est, an oleum ex sale, an sal ex oleo eliciat conditum sal volatile. Longè certius est posterius, quia odor, volatilitas & effectus id satis testantur. Unde sæpius dictum, propter quod unumquodque est tale, illud magis tale & hoc loco putandum est. Adeoque sic potius cum & mediante sale alcali fit

Spiritus urinosus, quàm ex sale ipso, licet & sic modificetur ex parte spiritus urinosus, & alius à spiritu Θ is \star ci vel urinæ appareat. Quintus processus fit ex sale tartari, vel tartaro ipso crudo, cum alumine pulverisato vel usto, quo de legi meretur latius *B. Ludovici noster*, qui id unicè æstimat. Verùm qui novit processum in parando alumine usitatum, facilè concedet, urinosum illum spiritum esse urinæ simul additæ, fixatum hætenus ab acido austero aluminis. Sextus modus addi potest per acida, exemplo arcani Φ ri per destillationem; verum ne sic quidem urinosus spiritus expectari potest ullo modo. Septimus est, si destillentur per retortam feces vini exsiccatæ, qui spiritus urinosus fit, & sal volatile sic obtinetur. Verùm quis negaverit, in illis quoque oleum esse, quod laxatum est in compage per fermentationem, unde sal volatile è centro fecum, non item salis fixi prodit. Neque enim tam negatur sal Φ ri volatile, seu spiritus urinosus volatilis Φ ri, quàm spiritus urinosus ex sale tartari. Octavus denique septimo & quarto est affinis, nempe per fermentationem, quando tartarus crudus sale tartari incoquitur, unde acidum & oleum attenuantur & infringuntur, ut sal volatile non ab illo figi, ab hoc non condi possit æquè, qui modus est *Langelotti*, optimus cum aliis illis, ubi major resolutio salium & reclusio visitur. Ratio verò, quare minus è sale alcali fixo possit expectari spiritus urinosus, est (1.) quia non potest fluorem acquirere debitum, per ignem & aquam, ita ut expandatur & alas acquirat. (2.) quia jam excussum & abactum per ignem evaporabile, & ipsum sal volatile. Quicquid verò non est evaporabile, nec est destillabile. (3.) quia nullum adest ligans, quod excuti possit, eoque excusso sal volatile liberari, vel alcali addito, vel igne ipso, vel putrefactione, quæ propria est sulphuri. Neque obstat, igne continuato & repetito, calcinata salia sulphur magis ostendere, sal enim in terram mutatur & abit. Ratum itaq; maneat assertum, è sale alcali fixo, quâ tali, non posse facilè acquiri spiritum urinolum.

13. *Quod spiritus urinosus est in liquido, id sal volatile est in sicco, ob ténertudinem tamen priori formâ facilius sepe dispensandum.* Corporaturam mixtis largiuntur aqua & terra, cujus symboli-

smus

Imus nullibi magis, quam in salibus occurrit. Hinc ut reliqui spiritus, ita & urinosi inde mutuuntur suam consistentiam. Hinc tantum solvit v.g. spiritus cornu cervi, quantum capere potest liquor. Seu spiritus urinosi nihil aliud sunt, quam salia volatilia liquida, liquore aqueo vecta; illa tamen differentiâ, quod aqua simul evecta per destillationem & jungat intimius sibi sal volatile, & ipsa subtilisetur quoque magis. Hinc si sal *cum cum alcali quovis destilletur, sine additione aquæ, non spiritus, sed sal volatile habetur: quod si solvatur hinc s.q. aquæ, in spiritum facessit. Adde, quod affusa aqua poros undique pervadat magis, & excutiat alcali acidum sic magis. Quod si verò sali *co, v.g. p.i., & alcali, seu ciner. clavell. pij. destillandis jungatur & vi & aqua simul, sublimatur simul seorsim egregium sal volatile, medium quasi, non adeò urinosum, sed correctum, porosum & elegans, quo ipso coagulum illud ex spiritu S is *ci & vi proveniens, quod volunt communiter, demonstratur, in quo consistat. Dum enim certant de solutione aqua & vi, quod illa hoc promptius solvat, medium tale quid consurgit nisi tamen probè munias, facile in auras evolans. Hinc ratio patet, quare liquidâ formâ satius sit asservare spiritus urinosos, quam solidâ, quia sic coerceri possunt, & detineri, secus abitura salia volatilia, quamvis sal volatile cornu cervi, ut in pulverum formam distribui possit, quæ unica est ratio, siccâ formâ, cum spiritu vini semifixatum, cum operculo cereo munitum, commodè servetur. Per acidos enim spiritus fixatio si fiat, de quo alibi diximus, fit sal commune inde, scopis illis impar, quos intendimus. Valet id speciatim ut de aliis, ut spiritu salis tartari aluminoso, sic de sale volatili plantarum, quod ob teneritudinem non facile hanc solidam corporaturam vel assumit, vel exhibet, unde satius est, relinquere sibi & probè rectificare, quam in fixando occupari.

14. *Spiritus urinosi excutiendo fixanti acido, rarefaciendo & exaltando sanguini ac spiritibus, & roborandis nervis, unice profunt.* Vires hæ sunt communes spirituum urinosorum, quod in motum cieant quietos & torpidos humores, adeoque archeum exuscitent & partes mobiles vigorent, ut excusso torpore ciean-

tur in motum. Speciatim constituunt volatilia cephalica, unde spiritus cornu cervi, \ominus is \ast ci, liquor cephalicus, ex spiritu salis \ast ci & aquâ liliorum convallium c.v. ana, in epilepsiâ, apoplexiâ, paralyfi sunt probatissimi. Sunt volatilia cordialia, referant & pandunt poros, tum cerebri, tum sanguinis, sulphur sanguinis expandunt, ut purpuram suam reinduat, in præcipiti virium lapsu, & spirituum decollatione, unicè proficua, interius & exterius, modò non id ipsum à rarefactione nimia contingat, ibi enim acida potius exterius prosunt, quæ coagulant, & retundunt spiritus resolutos, ut sint specifica, & adæquata ipsis causis morbificis.

Sunt volatilia hysterica, in suffocationibus uterinis & spasmodicis insignissima. Nec reliquis visceribus succurrunt minus, modò cum aliis appropriatis sociantur, ut spiritus \ominus is \ast ci anisatus, elixir pectorale cum eodem mixtum, eximiè prosunt in tussi, asthmate & catarrhis suffocativis. Volatilia sunt bezoardica, in primis spiritus cornu cervi, & eboris, & exinde parata, liquor cornu cervi succinatus, tinctura bezoardica volatilis, cum spiritu cornu cervi, liquor bezoardicus ex spiritu cornu cervi & \boxplus ri mixtis & filtratis, in peste, variolis & morbillis, febribus malignis, putridis, potentissimè dispellunt *μιασμα* peregrinum quodvis. Acido etiam fixanti in aliis affectibus prosunt, unde elixir antiquartium cum \sim u \ominus is \ast ci fit, & ipse spiritus antiquartius audit. Tacemus usum anthelminticum, menses citantem, intus & extus, ad methodum *Glauberi*, usum errhinum &c. Sic spiritus salis \boxplus ri aluminosus refringit spiritum salis pro tincturâ aperitivâ, & ipse diureticum est egregium. Exterius speciatim in doloribus articulorum & nervosis aliis, ubi spiritus cornu cervi, lumbricorum, \ominus is \ast ci, eboris, & per se & cum spiritu formicarum optimè dissipant *σύν* lymphæ.

Spiritus ergò sunt liquores destillati, vinosi, acidi, urinosi, à sulphure vel sale, acido vel urinoso, fluorem adepto, quilibet in suo genere summè activi.



Gratulor hosce Tuos ausus,
doctissime *Cummi*,
queis studii solidi das do-
cumenta nova.

Quo pede coepisti medicas scruta-
rier artes,
perge, DEus gressus prosperi-
tate beet!

gratulabundus deproper.

Rudolfus Wilhelmus Crausius

D. P. P. up mlo

Ecula subsidet, flores subli-
mia quærunt.

Sors eadem studiis: Sunt, queis
mens ardua coelum

quæ.

quærit, ut ex meritâ virtute feran-
tur in altum.

Sunt, quorum ima petunt animi, vel
inertia fundum.

Te Tua sedulitas, pietas dignique
profectus
commendant aliis, & præmia certa
minantur.

*Affectûs hanc tesseram gratulante
animo apponit*

PRÆSES.



Ulem non poenituit duros subiisse labo-
res,

Veræ virtutis præmia certa feret.
O minor ista, palam qui multo fœnore prodis,
Olim quæ fuerit sedula cura, TIBI.

*His debitum officium Nobilissimo & Clarissimo Domino
CUMMIO, Medicine Candidato meritissimo, Con-
terraneo, Fautori atque Amico omni pietate prose-
quendo, præstare, ac de egregio publicè promulgan-
do insignis eruditionis specimine gratulari debui*

Philippus Ludovicus Böhmer/
Hannov.